

প্রবাস

কুয়েতে ভারতীয় চালকের বাস চাপায় বাংলাদেশি চালক নিহত

প্রতিবেদক: ঢাকা প্রোব ডেস্ক

প্রকাশের তারিখ: রোববার, ৩০ আগস্ট ২০২৬, ০৫:২৩ PM



সংগৃহীত ছবি

কুয়েতের জিলিব আল শুযুখে দুই বাসের চাপায় পড়ে এক বাংলাদেশি বাস চালক নিহত হয়েছেন। গতকাল শুক্রবার (১৪ আগস্ট) এ ঘটনা ঘটে। আর তাকে চাপা দেওয়া বাসটিতে ছিলেন এক ভারতীয় চালক।

সংবাদমাধ্যম আরব টাইমস অনলাইন জানিয়েছে, ওই বাংলাদেশি চালক তার বাসটিতে রটিন পরীক্ষা করছিলেন। তিনি এক পর্যায়ে তার বাসের সামনের অংশে যান। তখন তার বাসের সামনে দাঁড়ানো আরেকটি বাস হঠাৎ করে পেছন দিকে চলে আসে। আর এতে করে দুই বাসের মধ্যে চাপা পড়েন তিনি। এ ঘটনায় গুরুতর আহত হওয়ার পর তাকে দ্রুত হাসপাতালে নিয়ে যাওয়া হয়। কিন্তু ততক্ষণে বাংলাদেশি চালকের প্রাণ চলে যায়।

সংবাদমাধ্যমটি নিহত বাংলাদেশি চালকের নাম প্রকাশ করেনি। শুধু জানিয়েছে এ বাংলাদেশি ১৯৭৬ সালে জন্মগ্রহণ করেন।

অপরদিকে যে বাসটি পেছন দিকে এসে তাকে চাপা দেয় সেটি চালাচ্ছিলেন এক ভারতীয়। তার নামও প্রকাশ করেনি সংবাদমাধ্যমটি। শুধু বলেছে এ ভারতীয়র জন্ম হয়েছিল ১৯৮১ সালে।

কীভাবে এ ঘটনা ঘটল সেটির কারণ খুঁজে বের করতে তদন্ত করা হচ্ছে এবং এ নিয়ে পুলিশ স্টেশনে একটি মামলাও হয়েছে। আরও তদন্তের জন্য সংশ্লিষ্ট কর্তৃপক্ষের কাছে মামলাটি রেফার করা হয়েছে।

সূত্র: আরব টাইমস অনলাইন

এ বিভাগের আরও খবর



ভাড়াটিয়ার সঙ্গে বারবিকিউ নিয়ে বিরোধ, কানাডায় ভারতীয় বংশোদ্ভূত নারী গ্রেপ্তার
কানাডার সারোতে ভাড়াটিয়ার সঙ্গে বারবিকিউ নিয়ে বিরোধের জেরে ভারতীয় বংশোদ্ভূত এক নারী গ্রেপ্তার হয়েছেন। একের পর এক সংঘর্ষের ভিডিও সামাজিক যোগাযোগ...



বাংলাদেশ থেকে ১০ হাজার কর্মী নেবে ওমান
বাংলাদেশ থেকে ১০ হাজার কর্মী নেবে ওমান। এর মধ্যে ৫ হাজার কৃষি শ্রমিক এবং ৫ হাজার নেওয়া হবে মৎস্য শ্রমিক হিসেবে। এ বিষয়ে দুই দেশের মধ্যে এক...



সৌদিতে সোফা কারখানায় আগুনে নিহত ৯ জনের মরদেহ দেশে আসছে বিকেলে
সৌদি আরবের রিয়াদে অগ্নিকাণ্ডে নিহত ১৬ বাংলাদেশির মধ্যে শনাক্ত হওয়া ৯ জনের মরদেহ আজ দেশে আসছে। তাদের মধ্যে সাতজনের বাড়ি নওগাঁর আত্রাই উপজেলায়...



প্রথম বছরে বিনা খরচে মালয়েশিয়া যাবেন ১০ হাজার কর্মী
দীর্ঘদিন বন্ধ থাকার পর অবশেষে শর্তনামে ও স্বচ্ছ প্রক্রিয়ার মাধ্যমে মালয়েশিয়ার শ্রমবাজার পুনরায় উন্মুক্ত হচ্ছে। প্রধানমন্ত্রী তারেক র...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/probash/kuyete-bhartiy-chalker-bas-chapay-bangladeshi-chalk-niht>